



欽定皇輿西域圖志



ル 5
104
12

子
二



凡五
104
12



欽定皇輿西域圖志卷之十六目錄

疆域九 天山南路三

賽喇木屬 兼轄

賽喇木

赫色勒

布干

濟爾噶朗

他爾阿里克

托克三

所錄支
有拘那

欽定皇輿西域圖志卷之十六 目錄

布隆

哈喇都伯

堪齊塔木

明哲克得

雅哈阿里克

拉布帕爾

拜

雅哈阿里克

都爾伯勒津

欽定皇朝通志卷一百一十六目錄

沙哈爾台

色勒克恰特

阿吹宜

阿特巴什里燕

推格博尼

奎裕巴克

蘇爾滾

托木碩克

雅爾圖喇

伊密什

喀資干

鄂爾塔克齊

阿斯騰海里瑪

塔克齊

玉斯屯海里瑪

英額亮格爾

伯里葉克齊

什喇勒台

葉伊勒干

庫什塔木

阿克蘇屬

阿克蘇

雅哈阿里克

哈喇裕勒袞

扎木

赫色勒

哈爾噶額密什

金定皇朝西域圖志 卷十六
帕爾滿

雅爾巴什

齊托克喇克

亮格爾

雅爾賽喇木

伊勒噶齊

額格爾齊

喀勒喀勒

科布魯克

庫木巴什

伯什阿里克

和卓巴斯喀克

呼木什阿里克

哈喇塔勒

烏朱瑪

托來

英額阿里克

賽阿里克

哈喇木克齊

薩克薩克

托布坎

得布特爾

鄂喇齊

阿喇勒

愛呼爾

超達爾

韋特特爾

察克喇克

吐爾伯特

拜林

阿克雅爾

伯列克里克

納喇奇恰特

哲爾格哲克得

西路界。

賽喇木。

賽喇木。舊對音為賽里木。在赫色勒郭勒西四十里。東北距庫車城二百十里。城周一里九分。高一丈。南北二門。距京師一萬二百九十里。乾隆二十三年。大兵圍庫車。其伯克阿瓜斯等。傾心向化。遂以城降。所屬村庄。凡十有一。

唐書地理志安西西出柘厥關。渡白馬河。百八十里。西入俱毗羅磧。經苦井。百二十里。至俱毗

羅城。里東距支所二里。至賽喇木城二十五里。

按賽喇木於漢為龜茲國地。唐時龜茲國伊羅盧城。應在今阿巴特。托和龔之間。而庫車

乃其西境。說見前卷。則地理志所謂白馬河者。應

即庫車城東之額什克巴什郭勒。西百八十

里為俱毗羅磧。又西百二十里至俱毗羅城。

應屬今賽喇木城。自白馬河至此二百餘里。

今賽喇木在庫車西南二百十里。道里方位。

適相當也。

赫色勒。

赫色勒。在赫色勒郭勒西五里。南距木素爾郭勒五里。西距賽喇木城二十五里。

布干。

布干。在哈喇烏蘇支河西五里。東踰支河二道。至賽喇木城十五里。

濟爾噶朗。

濟爾噶朗。在布干西南五里。南距哈喇烏蘇支河五里。東踰支河二道。至賽喇木城二十五里。

他爾阿里克。

他爾阿里克。在濟爾噶朗西南四里。南傍哈喇烏蘇支河。東踰支河二道。至賽喇木城三十里。托克三。

托克三。凡四莊。在他爾阿里克西十里。東距哈喇烏蘇支河五里。東踰支河三道。至賽喇木城四十里。

布隆。

布隆在托克三北十二里。東傍哈喇烏蘇支河。

五里。東踰支河三道。至賽喇木城五十里。

哈喇都伯。

哈喇都伯。在布隆東北十五里。南傍哈喇烏蘇

支河五里。東南距賽喇木城二十里。

堪齊塔木。

堪齊塔木。凡二莊。在哈喇都伯西北二十里。南

距哈喇烏蘇支河十里。東南距賽喇木城四十

里。

明哲克得。

明哲克得。凡二莊。在堪齊塔木東二十五里。東

南距賽喇木城十五里。

雅哈阿里克。

雅哈阿里克。凡五莊。在明哲克得東五里。東南

距賽喇木城十里。

拉布帕爾。

拉布帕爾。凡二莊。在雅哈阿里克東北五里。南

距賽喇木城十五里。

以上屬賽喇木。

拜。

拜。在賽喇木西九十里。距京師一萬三百八十里。地饒水草。城距山岡。周一里三分高一丈。東西二門。城西有小哈布薩朗郭勒。又西爲哈布薩朗郭勒。東有特里舒克郭勒。所屬村莊凡二十有二。

唐書地理志俱毗羅城。又六十里。至阿悉言城。按今賽喇木城。與古俱毗羅城。道里方位相合。則此拜城。在賽喇木西。應屬唐時阿悉言

城也。又按明史西域傳。所載奉貢通名小部。止稱地面。有名擺音者。疑卽此也。

雅哈阿里克。

雅哈阿里克。舊訛爲噶哈里。在小哈布薩朗郭勒下流北岸。西北距拜城十五里。

都爾伯勒津。

都爾伯勒津。凡二莊。在雅哈阿里克東五里。木素爾郭勒北岸。西北距拜城二十里。

沙哈爾。

沙哈爾。凡三莊。東距拜城二里。以上三處。在小哈布薩朗郭勒。特里舒克郭勒兩河之間。

色勒克恰特。

色勒克恰特。在特里舒克郭勒東八里。西距拜城十五里。

吹冒。

吹冒。在色勒克恰特東南五里。西距拜城二十里。

阿特巴什。

阿特巴什。在吹冒東五里。西距拜城二十五里。推格博尼。

推格博尼。在阿特巴什西十里。西距拜城三十里。東傍哈喇烏蘇郭勒。南傍木素爾郭勒。二奎裕巴克。

奎裕巴克。在阿特巴什南五里。西距拜城三十里。南臨木素爾郭勒。蘇爾滾。

蘇爾滾。在色勒克恰特北五里。西南距拜城二

十里。

托木碩克。

托木碩克。凡二莊。在蘇爾滾東北五里。西南距拜城二十五里。

雅爾圖喇。

雅爾圖喇。在托木碩克東五里。西南距拜城三十里。

伊密什。

伊密什。在雅爾圖喇東北十里。西南距拜城四

十里。

喀資干。

喀資干。凡二莊。在蘇爾滾北十里。西南距拜城三十里。

鄂爾塔克齊。

鄂爾塔克齊。在喀資干西五里。西南距拜城三十里。

阿斯騰海里瑪。

阿斯騰海里瑪。在鄂爾塔克齊西五里。西南距

拜城三十五里。

塔克齊。

塔克齊其地依山。在阿斯騰海里瑪西十里。南距拜城二十五里。

玉斯屯海里瑪。

玉斯屯海里瑪。在塔克齊西五里。南距拜城二十里。

英額亮格爾。

英額亮格爾。在雅爾圖喇北五里。東北距拜城

三十五里。

伯里葉克齊。

伯里葉克齊。在喀資干北十里。西南距拜城四十里。

什喇勒台。

什喇勒台。在拜城西三十里。踰哈布薩朗郭勒二十里至其地。

葉伊勒干。

葉伊勒干。在什喇勒台西五十里。東距拜城八

十里。

庫什塔木。

庫什塔木。在葉伊勒干西十里。有小城。

以上屬拜。

阿克蘇屬。東至庫什塔木。接拜界。西至哲爾格

哲克得。通烏什界。北至卓哈達巴。通天山北伊

犁西路界。南至喀什噶爾達里雅。

阿克蘇。

阿克蘇。在拜城西四百里。距京師一萬七千九

百餘里。城東地勢甚高。前行界深溝。自下而上。繞

出城南。垣墉陡峻。北踞崇岡。四城連峙。每城周

事而里許。皆南向。外以一大城垣環之。所踞高厓二

餘十餘丈。三城皆小而固。洵形勝地也。城內偏東。

界以長河。源發北崖。南流出於城外。中西兩崖

之間。有河二道。南流。人資其利。先是。逆回霍集

占歸舊部。以其黨為阿克蘇城伯克。各城亦如

之。乾隆二十三年。大兵克庫車。阿克蘇回眾。聞

風向化。乃逐霍集占所置伯克。以城降。所屬村

莊凡三十有六。

御製阿克蘇城回衆投降詩以紀事

戊寅

回衆築城居取之原屬易庫車其東戶防守所特備

徒以將無能久困致自棄先是已兩勝

方逆回赴援庫車官兵一

殲之於托和彙再殲之於鄂根河逆黨斃者五六千人賊勢大蹙唾手可就擒獲

兵威亦云

熾雜種况夙怯失城更恇悻是宜鼓衆前先聲圖成

事而何待益兵稍進復停轡

逆回已失庫車雅爾哈善不即乘機進剿藉口

需兆惠兵至將前忽却屢失事會

割穀資兵糧前途穀滿地不過藉

口食遂其遷延計夷考回所據大城原有四曰葉爾

奇木哈什哈爾暨阿克蘇烏什其餘率小類阿克蘇

今歸實斷其左臂故緣彼城中伯克乃新置霍集占

心腹

霍集占既歸舊部各城皆置其心腹以為脅制比聞大兵將至阿克蘇回衆即協力與逆會拒

戰逐其所置伯克獻城請降

強從非衆意今聞被創敗倒戈更相

拒叶戕害其用人獻城降遣使此又宜速赴河上道

遙寘

阿克蘇既以城降正可督兵前進諸城可傳檄而定雅爾哈善乃以禾稼在地欲為坐食株守

之計豈前途獻地相是謂乘踵轉慮費糧不給耶

天佑作孽乃由自易帥明憲章

時命將軍兆惠星馳往代其軍將雅爾哈善解

罪京治靖遠佈恩惠殲渠赦脅從敷化逮闇昧劬哉勉

運籌踰若冀

明賜

漢書西域傳溫宿國。王治溫宿城。去長安八千三百五十里。東至都護治所二千三百八十里。西至尉頭三百里。北至烏孫赤谷六百一十里。東通姑墨二百七十里。
魏略西戎傳溫宿國。屬龜茲。
魏書西域傳溫宿國。居溫宿城。在姑默西北。役屬龜茲。

唐書地理志河西內屬諸胡。一名溫府州。又大石城。一曰于祝。曰溫肅州。

按漢溫宿國。在姑墨西二百七十里。今阿克蘇。東距雅哈阿里克二百八十五里。道里相合。則今阿克蘇城。疑卽溫宿故城也。又漢書姑墨。東至都護治所一千二十一里。溫宿。特在其西二百七十里耳。乃云東至都護治所二千三百八十里。二千字蓋一千字傳寫之訛也。再以水道論之。今喀什噶爾。葉爾羌兩

河自西而來。至阿克蘇南。阿克蘇郭勒南流。注之。與水經注所引釋氏西域傳。河水暨於溫宿之南。左合枝水。上承北河之說合。則阿克蘇之爲漢溫宿。殆無可疑。北魏時。其國猶存。而役屬龜茲。周隋以下。不著於史。而隋書稱龜茲西去疏勒。疏勒東去龜茲。皆一千五百里。可知溫宿小國。北魏以後。爲龜茲所并。尉頭爲疏勒所并。是以龜茲疏勒兩國接壤。至唐復稱溫肅州。亦名溫府州。唐之溫肅卽

漢之溫宿也。而所謂大石城者。當屬溫肅州。治卽今之阿克蘇城。在漢魏則爲溫宿城也。指魏之姑默。亦卽漢之姑墨。史書互異耳。

雅哈阿里克。

雅哈阿里克。地濱木素爾郭勒南岸。在葉伊勒干西南五十里。由是南行二百里。至塔里木謬斯騰。以方位道里計之。古姑墨國。當在此間。漢書西域傳。姑墨國王治南城。去長安八千一百五十里。東至都護治所一千二十一里。南至

于闐。馬行十五日。北與烏孫接。東通龜茲六百七十里。王莽時。姑墨國王殺溫宿王。并其國。

魏書西域傳姑默國。居南城。在龜茲西。去代一萬五百里。役屬龜茲。

唐書西域傳阿史那社尒破龜茲。沙州刺史蘇海政。行軍長史薛萬備。以精騎窮躡六百里。王計窮。保撥換城。社尒圍之。閱月。執王及羯獵顛。自龜茲贏六百里。踰小沙磧。有跋祿迦。小國也。一名亟墨。卽漢姑墨國。橫六百里。縱三百里。突

厥傳突騎施陰幸邊隙。圍撥換大石城。將取四鎮。會嘉惠拜安西副大都護。卽發三姓葛邏祿兵共擊之。**地理志**阿悉言城。又六十里至撥換。城一曰威戎城。曰姑墨州。南臨思渾河。又河西內屬諸胡。一曰和墨州。

唐西域記跋祿迦國。大都城周五六里。按三國志引魏略。姑墨國屬龜茲。魏書載姑墨役屬龜茲。是姑墨當北魏時猶存。至唐始改爲跋祿迦耳。其東距龜茲里數。漢書云六

百七十。唐書云贏六百。大略相等。則跋祿迦信卽姑墨也。龜茲卽今庫車。

說見前卷。賽喇木拜。

諸城雖在庫車之西。而里數太近。姑墨國當

尙在其西。再以唐書西域傳刺史蘇海政西

追龜茲王於六百里外之撥換城。地理志撥

換城卽姑墨州之說証之。正與漢書龜茲西

六百七十里至姑墨。唐書踰龜茲贏六百里

卽亟墨之說合。然則跋祿迦國卽漢姑墨國。

亦卽姑墨州。附屬龜茲爲撥換城者。應在今

雅哈阿里克左右。而自赫色勒郭勒以西。塔

里木謬斯騰以北。阿克蘇以東。皆姑墨地也。

唐書龜茲至跋祿迦踰沙磧。今庫車西沙爾

達朗之沙磧。足以當之。又謂跋祿迦西三百

里。度石磧至凌山爲葱嶺北原。水東流。今雅

哈阿里克北爲木素爾鄂拉。迤西爲薩瓦布

齊鄂拉。相距正三百里許。庫克墨爾根郭勒

源出焉。倘所謂凌山者歟。庫克墨爾根郭勒

東南流入阿克蘇郭勒。葱嶺諸水西來會之。

謂爲葱嶺北原固宜。而圖格哈納達巴。哈喇
裕勒袞塔克。皆當雅哈阿里克西去孔道。卽
其所度之石磧也。塔里木。謬斯騰。當其南境。
所謂南臨思渾河也。至從此南行。循和闐郭
勒經千里外。至和闐六城。從此北行。踰山入
伊犁西境。是卽漢書所謂南至于闐。馬行十
五日。北與烏孫接者。証以形勢。當益釋然矣。
哈喇裕勒袞。
哈喇裕勒袞。在拜屬之雅哈阿里克西一百二

十里。西距阿克蘇城一百八十里。自此東行一
百里。名察爾齊克。爲阿克蘇東界。
札木。

札木。在哈喇裕勒袞西南八十里。西距阿克蘇
城一百里。自此北行一百里。爲阿爾巴特。

赫色勒。

赫色勒。在阿克蘇城東九十里。阿克蘇郭勒北
二十里。東有泉東南流。源出北山麓。

哈爾噶額密什。

哈爾噶額密什。在阿克蘇城北二十里。北距木素爾鄂拉六十里。

帕爾滿。

帕爾滿。在赫色勒西四十里。在阿克蘇郭勒北二十里。西北有河。發源山麓。東南流至莊北分兩河。東西環之。西距阿克蘇城五十里。

雅爾巴什。

雅爾巴什。在帕爾滿東十里。阿克蘇郭勒北二十里。西距阿克蘇城六十里。

齊托克喇克。

齊托克喇克。在赫色勒東南五十里。阿克蘇郭勒北二十里。西北距阿克蘇城百四十里。亮格爾。

亮格爾。在赫色勒東北九十里。地居山谷間。西南距阿克蘇城一百六十里。又北八十里爲圖巴拉克。又北八十里爲玉斯屯託海。又北七十里爲塔木哈他什。又北一百二十里爲噶克察哈爾海。接山北伊犁西路界。

雅爾賽喇木。

雅爾賽喇木。在亮格爾南八十里。地居山谷間。

西北距阿克蘇城一百六十里。

伊勒噶齊。

伊勒噶齊。在亮格爾西二十里。地居山谷間。西

南距阿克蘇城六十里。

額格爾齊。

額格爾齊。在阿克蘇郭勒北十里。北距阿克蘇

城十里。

喀勒喀勒。

喀勒喀勒。在額格爾齊東南六十里。阿克蘇郭

勒南五里。西北距阿克蘇城七十里。

科布魯克。

科布魯克。在喀勒喀勒西南三十里。托什干達

里雅北十里。西北距阿克蘇城八十里。

庫木巴什。

庫木巴什。在科布魯克東五里。托什干達里雅

北十五里。西北距阿克蘇城九十里。

伯什阿里克。

伯什阿里克。在庫木巴什東五里。托什干達里雅北二十里。西北距阿克蘇城一百十里。

和卓巴斯喀克。

和卓巴斯喀克。在伯什阿里克東十里。阿克蘇郭勒南十里。西北距阿克蘇城一百二十里。

呼木什阿里克。

呼木什阿里克。在和卓巴斯喀克西南十里。托什干達里雅北十二里。西北距阿克蘇城一百

五十里。

哈喇塔勒。

哈喇塔勒。在呼木什阿里克東南二十里。托什干達里雅北五里。西北距阿克蘇城二百里。

烏朱瑪。

烏朱瑪。在哈喇塔勒西二十里。托什干達里雅西南五里。西北距阿克蘇城一百八十里。

托來。

托來在烏朱瑪西五十里。托什干達里雅南五

里。西北距阿克蘇城一百六十里。

英額阿里克。

英額阿里克。在烏朱瑪西北三十里。托什干達

里雅西南十里。西北距阿克蘇城一百五十里。

又南百里為都齊特。

賽阿里克。

賽阿里克。在英額阿里克西四十里。托什干達

里雅南五里。西北距阿克蘇城一百十里。

哈喇木克齊。

哈喇木克齊。在額格爾齊西南十二里。踰兩河

而至。東北距阿克蘇城四十里。又蘇城六十里

薩克薩克。

薩克薩克。在哈喇木克齊南十二里。托什干達

里雅南三里。東北距阿克蘇城八十里。

托布坎。

托布坎。在哈喇木克齊北十里。介居兩河之間。

東距阿克蘇城十里。

得布特爾。

得布特爾。在哈喇木克齊西北八里。托什干達里雅北十里。東距阿克蘇城四十里。

鄂喇齊。

鄂喇齊。在得布特爾西二十里。托什干達里雅北十里。東距阿克蘇城六十里。

阿喇勒。

阿喇勒。在鄂喇齊北二十里。呼木阿里克郭勒西南十里。介兩河之間。東距阿克蘇城六十里。

愛呼爾。

愛呼爾。在阿喇勒南八十里。東傍呼木阿里克

郭勒。東距阿克蘇城五十里。

超達爾。

超達爾。在阿喇勒西二十里。踰呼木阿里克郭勒而至。東南距阿克蘇城六十里。北至卓哈達巴六十里。

韋特特爾。

韋特特爾。在阿喇勒西二十里。呼木阿里克郭勒南十里。西南距阿克蘇城八十里。

察克喇克。

察克喇克。在韋特特爾南二十里。托什干達里雅東北八十里。東距阿克蘇城七十里。

吐爾伯特。

吐爾伯特。在察克喇克西南十里。托什干達里雅北十里。東距阿克蘇城八十里。

拜林。

拜林。在韋特特爾西南二十里。托什干達里雅北十八里。東距阿克蘇城一百里。

阿克雅爾。

阿克雅爾。在薩克薩克西五十里。托什干達里雅南十里。東北距阿克蘇城一百十里。

伯列克里克。

伯列克里克。在阿克雅爾西南九十里。西境倚山。距阿克蘇城二百里。

納喇奇恰特。

納喇奇恰特。在伯列克里克西南四十里。南臨大山。東北距阿克蘇城二百四十里。

哲爾格哲克得。

哲爾格哲克得。在托什干達里雅西南。阿克雅爾西五十里。又西接烏什屬噶斯干界。

以上屬阿克蘇。

欽定皇輿西域圖志卷之十六

欽定皇輿西域圖志卷十七目錄

疆域十

天山南路四

烏什屬

烏什

哈喇和卓

闢展

森尼木

魯克察克

托克三

雅爾

洋赫

布干

罕都

連木齊木

雅木什

英額阿里克

必特克里克

古古爾魯克

沙圖

巴什雅克瑪

古木克齊克

色帕爾拜

呼蘭齊克

扎木必勒阿斯提

齋都伯

素袞

巴爾昌

喀什噶爾屬

喀什噶爾

霍爾干

伯什克勒木

伊克斯哈拉

玉斯屯阿喇圖什

阿斯騰阿喇圖什

鄂什

阿喇古

阿爾巴特

牌租阿巴特

赫色勒布伊

汗阿里克

哈喇刻爾

提斯袞

岳普爾和

塞爾們

托克庫爾薩克

鄂坡勒

塔什巴里克

英噶薩爾

托璞魯克

和什庫珠克

阿喇楚勒

葉什勒庫勒

鄂爾巴林

欽定皇輿西域圖志卷之十七

疆域十

天山南路四

烏什屬

東至噶斯干。接阿克蘇界。西至色帕爾

拜。通喀什噶爾界。南至庫珠克達巴。踰山通葉

爾羌。和闐北路界。北至天山。踰山通伊犁西路

界。

烏什。烏什在阿克蘇西境哲爾格哲克得西九十里。

距京師一萬九百九十里。城周三里二分。高二丈五尺。東西南三門。三面踞山。其西面因山爲城。南崖陡峻。北帶長流。形勢絕勝。所屬村莊凡十有一。乾隆二十三年八月。將軍兆惠等兵至哲爾格哲克得。和闐城舊伯克霍集斯及其長子烏什城阿奇木伯克漠咱吧爾等馳書詣軍門投誠。霍集斯者。回部望族也。平定伊犁時。嘗從大兵擒達瓦齊。遂偕霍集占奉使招撫回城。霍集占叛。脅之爲逆。洎聞大兵至。卽有意歸正。

未由自拔。霍集占自庫車敗逃。道經烏什。霍集斯父子將以計誘入城擒獻。爲所覺。未果。因擊走霍集占。固守烏什城以待我師。及是。遂以城降。兆惠等令漠咱吧爾入

覲。挈霍集斯從軍而西。尋以大臣駐其地。乾隆三十年。駐劄大臣素誠與阿奇木伯克阿布都拉。措置乖方。擾累回衆。二月。伯克賴黑木圖拉等乘機煽亂。

上命伊犁將軍明瑞等率師往討。八月平之。逆黨伏

誅。徙其餘衆。移駐阿克蘇大臣於此。

御製烏什城會長霍集斯伯克攜回衆獻城降詩以

紀事 戊寅

執渠早是被恩榮

伯先是達瓦齊自格登窮霍集斯

畏逼遷隨尙近情

目霍集斯伯克與小和卓木均係回

可識順料伊將倒戟

常與軍機大臣籌畫軍情曾諭

一節我軍至其地彼或降順比大兵既近伊果筵款

小和卓木計圖擒縛因爲潛覺遁去遂率衆投款軍

門剪兇匪我願佳兵申明昧雉霜嚴令

庫車之圍逆

而失律者貽誤因命將軍兆惠往代就

疊見牽羊肉

袒迎

天祐人歸逮底績越因兢業凜虧盈

御製烏什戰圖補詠

戊子

自庚辰西師凱還之後伊犁則築城墾野回部則
減賦薄征視地之大小險夷各駐以大臣戍以兵
卒晏然無事矣越五年乙酉而有烏什之變烏什
者介於阿克蘇喀什噶爾之間爲回部適中之地
依山爲城有險可恃田肥饒水充足又有牧場可
滋長馬牛羊故變亂之後逆賊守至六越月始食

盡力窮縛其酋以獻於是誅戮其精壯遷徙其婦
稚凡烏什之城及其所附村落皆爲官有駐以大
臣戍以兵卒如前制而更申明紀律焉夫烏什固
據形勝得扼吭振臂之勢而宜厚駐我兵以鎮壓
衆回部之地也初以王師勦逆撫順不可無故奪
之今值彼變亂自取屠滅因以爲回部適中官軍
都會之地是又開惑論所謂愈變而愈康者非

天垂貺豈能若是哉而予渺躬之荷

龍綏勵兢業又當何如哉其致變之由及我官軍之奮

勇克復條爲六事各繫以詠如左

聞變

乙酉二月烏什小伯克賴黑木圖拉等聚衆五百
餘乘夜縱火焚掠殺官軍駐守之副都統素誠
自殺賊遂據城爲變時駐阿克蘇之副都統卞塔
海聞之急郵奏報覽其詞過於張皇知其庸懦不
足集事且回衆久懷德威使非激之致亂不應自
棄化外庸可不察其由以示懲創因降旨駐伊犁
之將軍明瑞細查致變之由以聞

南巡三月返春舟六百飛傳計里郵什塔海初奏烏

馳達時方自杭州廻蹕即于行展視乃知烏什變報

舟批荅並籌度調兵諸機宜來始自阿蘇投倫回語阿克蘇急呼則為阿蘇烏什卡

報知卞塔海輕徭本是常施惠倡亂何當彼取尤師

駐伊犁定赴援重臣宣命察因由回眾蠢動固罪無

密諭明瑞于赴援時訪實速奏亦不可不申國法以儆其餘因

師援

阿克蘇喀什噶爾與烏什相犄角應援最近而卞

塔海與駐喀什噶爾之都統納世通雖亦領兵往

救但二人素未經戰陣無益於事時明瑞聞而統

兵赴援兼程遄進至則申明軍律並力攻城賊始

困窘

勳戚伊犁董重兵明瑞於平定回部時奮勇追勦屢

將軍駐伊犁統早年回部得威名變聞遂率雄師援

塗遠仍教兼驛行伊計明瑞聞烏什事必率師赴援但

至知其兼程前可笑無能還妬阻聞世通甫至烏什

嚴飭而明瑞亦不從其言決計迅赴幸因未聽遂

遄征逆回始相入倉皇守壁壘新知紀律明卞塔海

諸軍事失措為逆回所輕及明瑞至申
嚴軍律賊眾始惶懼死守不敢復出

獻謀

烏什伯克賴黑木圖拉既叛慮其力之不能抗我
師也乃相與聚謀走間諜巴布敦等卑辭厚幣求
援于霍罕之厄爾德尼伯克又教為詭語以煽亂
所過諸布魯特惟時布魯特久效恭順且知逆黨
之妄也遂執巴布敦等遣使詣喀什噶爾以獻

遊牧東西勃律連

唐之勃律即今之布魯特

不同回部列氓編

諸回

城向苦準噶爾賦重自己卯底定時即為滅定賦額
一如內地編戶徵納人皆樂輸至布魯特則逐水草

而居非若回人之能習耕作盡地利故雖向
化內附不令納賦惟入觀時職貢效忱而已
負城既

叛賴黑木

賴黑木圖拉既據烏什即遣其黨巴布敦
等偕安集延塔什罕之貿易回人賚書幣

潛往霍罕去聲道潛通安集延布魯特適居路徑過去聲駒

支驀遇計擒全

巴布敦等各回城同時俱亂莫以煽惑諸
烏什各回城同時俱亂莫以煽惑諸

部眾適喀什噶爾阿奇木伯克時代默特遣人告之
以叛逆惟烏什一城餘皆安堵時布魯特比齊里克
齊遂誘巴布敦等擒之即遣其弟喀爾都克
喀什噶爾比者部落之首領即如回部伯克之職
都解送喀什噶爾外域輸衷意實虔

悉故

布魯特既縛獻巴布敦等于喀什噶爾時駐喀什

噶爾之副都統栢琨訊其變亂之由則稱烏什之
阿奇木伯克阿布都拉橫派黷擾蕩檢宣淫而副
都統素誠不但加督責且與之同流合汙以是
回衆不勝其忿遂脅聚生變又納世通卞塔海平
時亦妄自尊大凌虐諸回素爲衆怨所集且卞塔
海初至烏什城下不事詰剖輒施鎗礮以攻及賊
出拒復怯而敗走納世通繼至亦茫然不知所措
賊益逞其負隅之勢明瑞詢察得實臚章入告與
栢琨所奏悉合因各視其罪重懲之

巴布敦辭實可憑周諮我衆又堪徵

明瑞查訪致亂

累不法及納世通卞塔海庸妄乖謬諸罪狀皆得自

賈易人衆臺站諸回之口詢之在事侍衛等亦衆

一如哥舒翰旣少恩甚

阿布都拉爲哈密回部貝子玉

授爲烏什阿奇木伯克乃自蒞事以來不知恤衆每

將疲瘦羊馬倍取值取利又肆爲淫惡致所屬回衆切

齒亂作亦並遇害李大宜還耽樂仍素誠在烏什惟

復淫縱無忌賴黑木圖拉之妻亦曾爲所一死餘辜

真尙有兩駕要駕愧惟增此雖素誠阿布都拉之愧

攻堅

明瑞等攻烏什數月圍困甚力賊出拒戰者即擒獲誅磔于是賊驚駭聚計謂與其束手就斃毋寧捨死以求生因謀夜出襲營我軍覘知之預為之備賊首賴黑木圖拉中箭死賊黨益窘怖復推賴黑木圖拉之父厄塞木圖拉為阿奇木悉眾死守以延殘喘此皆得之捉生鞫訊者已而明瑞復掄驍銳夜薄其城登陴毀堞奮擊獲大勝賊自是日危蹙矣

罪不容誅賊自知求生捨死死相持誘來平野騎弗

進賊知罪在不赦僥倖道死明瑞等知之即調兵兩隊先後繼進前隊次青努爾擇地張甄以待欲誘

賊至平地合後隊奮擊賊即退守城我軍追及仰

城下賊猶持火器乘陣拒敵轟以大礮賊乃匿避

薄高峯銃競施督以衝堅誠亦易諭令平鄭重故因

遲烏什初變明瑞即統兵赴援復命尚書阿桂馳驛

服毋庸悉銳進攻圍待其勢窮力蹙多傷我士卒

因諭令嚴急攻圍待其勢窮力蹙多傷我士卒

即登城堞賊既窮窘不固守乃簡巴圖魯等以時屆

中夜携雲梯分道潛往薄城兩隅先登賊未

覺挺刃交下守陣賊狼狽竄即舉號火招繼進者又

循墉自北而東南悉據有之毀其垣堦施鎗箭

巨石俯擊殲賊無算後以天明收軍末即得城早使

城復

登城之捷賊益膽落我軍乃逼城築壘嚴圍斷其樵汲卽有突出者並擊敗之賊城糧絕馬饑拆屋以爨撤茅以飼殍仆溢塗巷衆皆憂悸離畔沙爾布者烏什之舊商伯克故未從賊爲惡乘人心洶懼謀縛厄塞木圖拉詣軍營納款因以獻城至夜遂內潰先是諭明瑞等曰賊不早悔罪伏法若城垂破始乞降則不可貸當盡殲之以揚我武遂明我軍振旅入城悉戮其黨羽徙其婦孺烏什復平

時八月十五日也

斧螭鋒蝟勢將平聲成將去聲恐多傷退我兵我東北登

獲全勝其攻西南者以賊已有備不復能上明瑞等因天已嚮明恐爲賊所要襲急徹城上兵遂未得乘銳擣其巢穴高壘深壕奚追命析骸易子苟延生倒戈縛

就無完卵輿櫬獻來逮破城教寫陣圖旌衆勇定功惟是凜虛盈

漢書西域傳尉頭國王治尉頭谷去長安八千

六百五十里東至都護治所千四百一十一里

南與疏勒接山道不通西至捐毒千三百一十

四里。徑道馬行二日。

魏書西域傳尉頭國居尉頭城。在溫宿北。去代一萬三千里。役屬龜茲。

唐書地理志河西內屬諸胡曰蔚頭州。又曰鬱頭州。在赤河北岸石山。

按漢書溫宿西至尉頭三百里。今烏什東去阿克蘇止二百里。阿克蘇爲古溫宿。疑尉頭國地。尙在烏什之西。然以漢書所載兩國東去都護治所道里計之。尉頭國一千四百一

十一里。溫宿國二千三百八十里。似尉頭轉在溫宿之東。今以姑墨國東至都護治所一千二十一里之例推之。溫宿國當爲一千三百八十里。二千字爲一千字之訛。說見前卷。而尉頭止云一千四百十里。是其國又當近在溫宿西四十里也。史家紀載道里遠近。或從邊界起數。或從都城起數。或徑行。或繞道。廣狹各殊。卽一書中已有不可合者。惟論其大較則溫宿東而尉頭西。壤地相接。於古無疑。今

阿克蘇為溫宿城。則自是西行得烏什城。應屬當時尉頭城矣。再漢書稱其南與疏勒接。山道不通。今烏什以西一帶在兩山間。其南山之南為古疏勒。詳見本卷。則疏勒之北為古尉頭地。當復較然而烏什以南之山。即漢書所謂山道不通者。亦大略可觀矣。又按烏什回人舊從闐展西遷。不忘故宇。故烏什地名。多仍闐展舊號。說詳後雜錄門。

哈喇和卓。

哈喇和卓。在烏什城東七十里。踰河至其地。四面距河各二十餘里。東為阿察塔克。又東八十里為察哈拉克。其西北境濱河之地曰爾雅巴克。河流西注為索特庫布拉克。

闐展。

闐展。在哈喇和卓東北五十里。踰河二道至其地。亦四面距河。西距烏什城一百十里。森尼木。

森尼木。在哈喇和卓南四十里。踰河至其地。南

臨大山。西北距烏什城八十里。其西南四十里
爲賽喇木。又西四十里爲台特爾。又西四十里
爲鄂特巴什。又西五十五里爲巴什雅克瑪。

魯克察克。

魯克察克。在森尼木西三十里。南臨大山。西北
距烏什城一百一十里。

托克三。

托克三。在魯克察克東北四十里。東南境皆面
山。西北距烏什城一百四十五里。

雅爾。

雅爾。在闢展東四十里。地居兩河之間。西距烏
什城一百五十里。

洋赫。

洋赫。在雅爾東二十五里。西距烏什城一百七
十五里。又南三十里爲噶斯干。南臨大河。

布干。

布干。在雅爾北三十里。踰河而至。居兩河間。北
爲敖爾他克齊謬斯騰。南爲托什干達里雅。西

南距烏什城一百六十里。

罕都。

罕都在布干西三十里。踰河而至。居兩河間。北為托什干達里雅。分流南境者。為托噶爾瑪郭勒。西南距烏什城一百三十里。

連木齊木。

連木齊木。在罕都西北十里。居兩河間。西南距烏什城一百二十里。

雅木什。

雅木什。在連木齊木北三十五里。踰河二道至

其地。有山泉。南流逕雅木什南。入於敖爾他克齊謬斯騰。

英額阿里克。

英額阿里克。在烏什城東北。踰敖爾他克齊謬斯騰至其地。東北通天山北伊犁及圖斯庫勒南岸地。

必特克里克。

必特克里克。在烏什城北。踰敖爾他克齊謬斯

騰至其地。東北亦通伊犁。

古古爾魯克。

古古爾魯克。在烏什城北。踰敖爾他克齊謬斯騰至其地。西北踰嶺接伊犁界。

沙圖。

沙圖。在烏什城西北。踰敖爾他克齊謬斯騰至其地。西北由必達爾通藩屬布魯特界。

巴什雅克瑪。

巴瑪雅克瑪。在烏什城西南九十里。踰托什干

達里雅至其地。西南四十里。

古木克齊克。

古木克齊克。在巴什雅克瑪西二十里。東北距

烏什城一百十里。

色帕爾拜。

色帕爾拜。在古木克齊克西三十里。東北距烏什城一百四十里。西南通喀什噶爾。

以上屬烏什。

呼蘭齊克。

呼蘭齊克由烏什西南入松塔什塔克固勒扎
巴什達巴西南行八十里至其地。由是西南行
至巴爾昌為烏什境外地。

扎木必勒阿斯提。

扎木必勒阿斯提在呼蘭齊克西南六十里。

齋都伯。

齋都伯在扎木必勒阿斯提西南四十里。

素袞。

素袞在齋都伯西南四十里。

巴爾昌。

巴爾昌在素袞西南一百二十里。有水橫當孔
道。不通大河。自烏什屬之色帕爾拜西南行。山
徑崎嶇。為烏什西南境外。通喀什噶爾之路。其
南則小山如屏。直抵烏什南境東西千重。砂磧
彌望。當屬古疏勒國東境。

漢書西域傳疏勒國。去長安九千三百五十里。
東至都護治所二千二百一十里。南至莎車五
百六十里。

後漢書西域傳疏勒國。去長史所居五千里。去洛陽萬三百里。東北經尉頭。溫宿。姑墨。龜茲。至焉耆。

〔北史西域傳〕疏勒國。在姑墨西白山南百餘里。漢時舊國也。去代萬一千二百五十里。南有黃河西帶蔥嶺。東至龜茲千五百里。東北至突厥千餘里。東南至瓜州四千六百里。

〔唐書西域傳〕疏勒環五千里。距京師九千里而羸。多砂磧。少壤土。

按漢時南北兩大山中近蔥嶺者。南則莎車為大。北則疏勒為大。兩國對待。其東西境必廣。今自烏什西南至喀什噶爾。其境南踰烏什。抵喀什噶爾。達里雅。西盡喀什噶爾諸城。西北至鄂什。北倚天山。疆域最廣。當為疏勒全境。若其東境。去庫車一千五百里。又東去海都郭勒二千餘里。正與漢書疏勒至都護治所。北史疏勒至龜茲里數相符。古人於天山槩稱白山。烏什西南境。北倚天山。地面寬

博而多砂磧。亦卽北史所謂在白山南。唐書所謂環五千里。多砂磧。少壤土者也。砂磧之南。喀什噶爾河。橫亘其前。砂磧之西。西山遙拱。所謂南有黃河。西帶葱嶺者也。漢書稱尉頭南與疏勒接。山道不通。而後漢書稱疏勒東北經尉頭諸國至焉耆者。蓋此山道至後漢時乃通也。審形定勢。以今烏什西南境爲古疏勒國之東境。灼然無疑。惟其建庭處所。必居土沃水深之地。應在今之喀什噶爾。詳見

後。

以上屬烏什西境外地。接喀什噶爾東境。喀什噶爾屬。東至阿喇古。接烏什界。東南至赫色勒布伊。接葉爾羌界。西北俱接葱嶺。通藩屬布魯特。安集延界。

喀什噶爾。

喀什噶爾。舊對音爲喀什哈爾。在巴爾昌西南一百四十里。烏什西南九百三十五里。距京師一萬一千九百二十五里。回會大和卓木波羅

泥都舊居城也。城周四里餘。東西南北四門。所屬村城一十有六。乾隆二十三年七月。霍集占棄庫車而西。將軍兆惠率師追之。抵葉爾羌。波羅泥都自喀什噶爾以衆馳赴。與霍集占合。負隅固拒。相持葉爾羌城下累月。我師還次阿克蘇。整軍進。詳見卷十八逆酋懼我師之復至也。霍集占從葉爾羌遁而西。波羅泥都復入喀什噶爾。盡驅其男婦出城。縱火燒廬舍。城門爲燬。脅之偕行。衆弗從。競入城守。賊乃盡掠牲畜。驅

丁男千餘人。踰山而西。與霍集占俱遁。我師方全補自阿克蘇進兵。指喀什噶爾。喀什噶爾之舊伯克人民。及從逆酋行脫歸者。迎謁途次。以其城降。大軍未至城百里外。回民扶老攜幼跪迎。爭獻牛酒。且言曰。吾曹受準噶爾殘虐數十年。賦繁役重。民不聊生。久思歸附。聖化而兩和卓木。負

恩背叛。鉗制我等。莫由自通。使我田不得耕種。畜不得游牧。小大惴惴。懼於鋒鏑。今一旦去湯火。得

安祚席。世子孫。爲

大皇帝編氓。更生之幸。實過願望。凡有役使。惟將軍

大人命。兆惠等宣諭

皇上德意。皆鼓舞踴躍。喜見顏色。於是喀什噶爾所

屬境。咸隸版籍。時乾隆二十四年閏六月也。

御製喀什噶爾回衆投誠詩以紀事

己卯

今春圍解黑水營

黑水即喀喇烏蘇地近葉爾羌去冬將軍兆惠等築壘固城處也

全師迴阿克蘇城賊不敢遮亦不綴彼力創竭足堪徵北塞調馬往二萬益以索倫之勁兵以布易回粟

供餉

回人以布爲珍費用兵駐阿克蘇時命轉餉者運以易粟膳軍省費三十餘萬復勅內部就產布

各省探解不以煩甘涼以被災故也數月休息胥飽騰整師兩路一時

進殲渠務使回衆寧

回會兄弟分處兩城枝梧策應命將軍兆惠等由烏什往喀什

噶爾富德等由和闐往葉爾羌率兵屈指此際壓賊

境又盼佳信夙夜縈朝來驛致將軍奏兆惠報回衆

投誠拆封披摺一詳覽歷歷都悉軍前情進至伊克

斯哈拉

地名將軍兆惠進兵攻喀什噶爾閏六月初三日行至此地

前隊中夜聞

人行

悉贊公明瑞於前隊畧地夜聞人騎進圖賊之詢得喀什噶爾回人和濟默爾等六人同聲納

降云奮勇圍捉喊勿殺是投誠者來相迎久慕歸順

大皇帝奈魯霍集占弟兄大和卓木今肆掠想同伊弟潛逃生舊伯克等差我輩願師速往揚威聲馬驢牛羊被擄去欲進擒彼嗟無能懇籲將軍早赴援庶和卓木未遠征兆惠悉此率兵進通信富德同謀乘

來降回衆云其屬方分投兩路軍門時兆惠聞信即移知富德軍以便協謀乘勢進取相機持

重慮賊詐兆惠奏言回人情辭雖無可疑而受降如

宜更慰萬里繫念忤四大回城三已得喀什噶爾為

木窟穴其城更大於先得之烏什阿克蘇遊魂釜底

焉支撐斷其左臂固美事不無少恨煩懷仍使波羅

泥都大和卓木名也就獲以之餌彼弟或聽乃先兵至早跳

去復需時日勞軍偵二魁俘虜靖遐壤靜候

天佑歌武成

漢書西域傳疏勒國王治疏勒城有列市西當

大月氏大宛康居道也

後漢書西域傳明帝永平十六年龜茲王建攻

殺疏勒王成自以龜茲左侯兜題為疏勒王冬

漢遣軍司馬班超劫縛兜題而立成之兄子忠

為疏勒王忠後反叛超擊斬之後莎車連叛于

竇屬疏勒。疏勒以強，故得與龜茲于竇爲敵國焉。安帝元初中，疏勒王安國以舅臣磐有罪，徙於月氏。月氏王親愛之。後安國死，無子，母持國政。與國人共立臣磐，同產弟子遺腹爲疏勒王。臣磐聞之，請月氏王曰：「安國無子，種人微弱，若立母氏，我乃遺腹叔父也。我當爲王。」月氏乃遣兵送還疏勒。國人素敬愛臣磐，又畏憚月氏，卽共奪遺腹印綬，迎臣磐立爲王。更以遺腹爲磐藁城侯。靈帝建寧三年，討疏勒，攻楨中城，不能

下引去。班超傳：永平十七年春，超從間道至疏勒。去兜題所居磐橐城九十里。逆遣吏田慮先往降之。勅慮曰：「兜題本非疏勒種，國人必不用命。若不卽降，便可執之。慮旣到，兜題見慮輕弱，殊無降意。慮因其無備，遂前劫縛兜題。左右出其不意，皆驚懼奔走。慮馳報超，超卽赴之。悉召疏勒將吏，說以龜茲無道之狀，因立其故王兄子忠爲王。國人大悅。」

北史西域傳：疏勒國。文成末，其王遣送釋迦牟

尼佛袈裟一。長二丈餘。帝以審是佛衣。應有靈異。遂燒之。以驗虛實。置猛火上。經日不然。觀者莫不悚駭。其都城方五里。國內有大城十二。小城數十。

唐書地理志疏勒都督府。貞觀九年。疏勒內附。置領州十五。西域傳疏勒。一曰佉沙。王姓斐氏。自號阿摩支。居迦師城。突厥以女妻之。儀鳳時吐蕃破其國。開元十六年。册其君安定為疏勒王。

宋史外國傳于闐國。西北至疏勒二千餘里。

元史世祖本紀至元十一年四月。詔安慰喀什

噶爾舊作合失合兒。今改正。等城。

明史西域傳喀什噶爾舊作哈實哈兒。今改正。亦西域部

落永樂六年。李達等齎勅往賜。即奉命。十一年。遣使入朝。貢方物。宣德時亦來朝貢。天順七年。命指揮劉福普賢使其地。其貢使亦不能常至。按古疏勒東境。在今烏什西南境。已見前條。若漢書所謂疏勒城。後漢書西域傳所謂磐

藁城即班超傳楨中城唐書所謂迦師城北

史所謂都城方五里大城十二小城數十者

當不在砂磧彌望之區今之喀什噶爾正當

疏勒西境山環水帶土地肥腴城堡鱗次可

想見當日建庭之舊也自今喀什噶爾西北

逾天山西行入布魯特界即漢書所謂西當

大月氏大宛康居道者形勢猶存唐時疏勒

都督府應亦建此列備四鎮咸亨元年地入

吐蕃長壽元年復置都督府五代之際隔不

復通宋時于闐通貢而疏勒無聞亦無人至

其境者惟元史所謂合失合兒及明史舊稱

哈實哈兒與今之喀什噶爾音義相通尋聲

求之固當非此不屬至三國志引魏畧楨中

國莎車國竭石國渠沙國西夜國依耐國滿

梨應作國億應作若國榆令國捐毒國休修

應作國琴國皆并屬疏勒元明以來地屬巴

什伯里統龜茲焉耆為一國疆域最大是固

不得以喀什噶爾所屬諸城盡之者矣

霍爾干

霍爾干。在喀什噶爾城東北十里。木什特們兩河之間。

伯什克勒木。

伯什克勒木。在霍爾干東南二十五里。西距喀什噶爾城三十五里。踰木什謬斯騰至其城。東北境有特們郭勒。

伊克斯哈拉。

伊克斯哈拉。在伯什克勒木東五十里。西距喀什噶爾城八十里。

玉斯屯阿喇圖什。

玉斯屯阿喇圖什。在霍爾干北七十里。由巴爾昌西南六十里。踰山至其地。當山口有小城西

南踰特們木什兩河。距喀什噶爾城東北八十里。

阿斯騰阿喇圖什。

阿斯騰阿喇圖什。在玉斯屯阿喇圖什西八十里。地當山口。為特們郭勒發源處。西南踰木什

鄂斯騰至其地。東南距喀什噶爾城六十里。

鄂什

鄂什。在阿斯騰阿喇圖什西北六十里。東南距喀什噶爾城一百二十里。又西北踰山通西布魯特界。

阿喇古。

阿喇古。在玉斯屯阿喇圖什東一百里。地當北山南麓。支山迤邐。西南相抱。西南距喀什噶爾城一百四十里。

阿爾巴特。

阿爾巴特。在伯什克勒木城東南十里。木什赫色勒兩河之間。西北距喀什噶爾城四十里。牌租阿巴特。

牌租阿巴特。在阿爾巴特東一百六十里。木什赫色勒騰北。西距喀什噶爾城二百里。

赫色勒布伊。

赫色勒布伊。在阿爾巴特西南一百十里。赫色勒。雅滿雅爾兩河之間。有小城。西北距喀什噶

爾城一百五十里。

汗阿里克。

汗阿里克。在赫色勒布伊南六十里。赫色勒雅
滿雅爾兩河之間。有小城。西北距喀什噶爾城
一百四十里。

哈喇刻爾。

哈喇刻爾。在喀什噶爾城西南三十里。赫色勒

特爾墨楚克兩河環帶之間。

提斯袞。

提斯袞。在哈喇刻爾南三十里。北距喀什噶爾
城六十里。

岳普爾和。

岳普爾和。在提斯袞南三十里。北傍赫色勒郭
勒。北距喀什噶爾城八十里。

塞爾們。

塞爾們。在喀什噶爾城西南五里。赫色勒。特爾
墨楚克兩河環帶之間。與哈喇刻爾東西相望。
托克庫爾薩克。

托克庫爾薩克。在塞爾們南三十五里。雅滿雅爾。謬斯騰北岸。又一水出西山中。東流環其北境。東北距喀什噶爾城四十里。

鄂坡勒。

鄂坡勒。在托克庫爾薩克西八十里。雅滿雅爾。謬斯騰環其西南境。有小城。東北距喀什噶爾城一百二十里。

塔什巴里克。

塔什巴里克。在托克庫爾薩克南一百一十里。

雅滿雅爾。謬斯騰東南。西北距喀什噶爾城一百四十里。

英噶薩爾。

英噶薩爾。在提斯衮南一百四十里。踰雅滿雅爾。謬斯騰。庫森謬斯騰至其地。北距喀什噶爾城二百里。所屬地曰賽喇克。又東北境曰察木倫。西北境曰沙瑪拉。西境曰特斯比。西南境曰額克資雅爾。地俱要隘。以方位道里考之。自庫森謬斯騰以南。在古當爲依耐國地。

漢書西域傳依耐國。王治去長安萬一百五十里。東北至都護治所二千七百三十里。至莎車五百四十里。至無雷五百四十里。北至疏勒六百五十里。南與子合接。寄田疏勒莎車。

按依耐於漢為小國。介在莎車疏勒之間。後漢不著其國。當為莎車王賢所并也。前漢莎車為今之葉爾羌。疏勒為今之喀什噶爾。史稱依耐。東至莎車。北至疏勒。揆厥方隅。非英噶薩爾莫屬矣。班史於東北至都護治所句

下。例言四至。以北至疏勒。南接子合之文。證其為東至莎車。西至無雷。可擬而知也。

托璞魯克。

托璞魯克。在英噶薩爾東南七十里。西北距喀什噶爾城二百七十里。

以上屬喀什噶爾。

和什庫珠克。

和什庫珠克。舊對音為霍斯庫魯克。在喀什噶爾城西五百里。哈喇庫勒西北。波羅泥都霍集

占白葉爾羌西遁。叅贊大臣毅勇公明瑞以九
百人窮追及此。賊衆三千擁踞山梁。來拒我師。
明瑞身先士卒。奮勇馳突。自午及申。斬獲無算。
追奔百餘里。賊勢益蹙。

御製賜明瑞詩

并序
己卯

叅贊大臣毅勇公明瑞以逆酋大小和卓木望風
先遁。率前鋒銳卒往遮。而賊回問道。通信逆酋。遂
兼程走明瑞。追及之於霍斯庫魯克。以遠馳之旅
摧拒險之徒。銜枚列隊者甫九百人。鳴哨據梁者

且六千指。而能折負嶠之勢。揚卷籜之風。轉戰三
時。辟易百里。擒生斬級。輜重畢收。而副將軍富德
等亦以兩城既定。統師會勦。逆豎計日可擒。非其
志秉忠誠。曷以功隆。摧陷雖古名將。孰克方茲。爰
賜是詩。以彰其績。

世胄更勳。戚少年能老成。從軍俾習事。屢戰得英聲。
適以狂狙。遯因將勁旅。征欲遮先信。漏不捨竟踪。橫
地利。彼雖擅人。和我實勅騎。惟九百到賊。乃數千迎
少卒。勝其衆。勇還濟以誠。勗哉俘二豎。衛霍遜功名。

阿喇楚勒。

阿喇楚勒。舊對音爲阿爾楚爾。在和什庫珠克達巴西三百里。乾隆二十四年八月。逆回波羅泥都霍集占。自和什庫珠克達巴敗後。西竄至阿喇楚勒。副將軍富德等率師窮追至此。及賊後隊。賊占據兩峯頂。設伏山腰。別遣賊來迎。以誘我師。是時富德將中軍。貝勒銜霍集斯。公鄂對。領隊大臣端濟布等佐之。叅贊大臣明瑞領前隊。領隊大臣鄂博什等佐之。叅贊大臣阿桂

領中後隊。領隊大臣傅景等佐之。領隊大臣瑚爾起等領奇兵。巴圖魯侍衛老格。科帳薩等領援兵爲左翼。叅贊大臣阿里袞領前隊。領隊大臣衣柱等佐之。叅贊大臣巴祿領中後隊。領隊大臣鄂穆布等佐之。領隊大臣由屯等領奇兵。巴圖魯侍衛伍岱等領援兵爲右翼。巴圖魯侍衛額爾登額等領後隊。以備四面援應。領隊大臣齊凌扎布爲殿軍。陣伍旣嚴。如牆而進。於是賊所占左右兩山。爲左右翼奇兵所奪。據山向

下掩殺。賊失勢散亂。乃以後隊援兵。右翼前隊兵。與中軍競進。左右翼中後隊兵。併力馳之。奮勇沖擊。賊不能支。遂各鼠竄。我兵追殺二十餘里。獲甲器旗纛無算。賊復聚眾保一山峯。抵拒左右翼兵。直前截殺。兩翼奇兵。後隊援兵。潛繞山後。轉戰合勦。中軍復出疑兵誘之。示以劫掠輜重狀。賊遂遑遽。越山而竄。於是以中軍率右翼兵馳往截殺。與左翼兵前後合攻。賊益潰敗。是役也。勦四千餘眾。擒斬伯克數十人。於是我

兵乘勝追至葉什勒庫勒。詳見後。

御製副將軍富德等追及兩和卓木大勝回軍捷音

至作歌紀事 己卯

慶霄對月方開筵將軍捷報驛騎傳擘囊展書歷歷

閱額手慶慰衷心憐憐者我眾實奮力慰者呵護惟

賴

天萬有餘里所致馬

軍營解馬自內地至肅州遠者已四五千里其自肅州至察汗烏蘇

又踰戈壁無水泉裏糧

追賊幸尾及彼逃乃在廿日前

欽定皇輿西或圖志

卷十七

疆域十

三二

爾美喀什噶爾二十明瑞先已折其角未經大創猶

抗顏先是三時擒斬賊眾甚夥乘勢追擊軍聲大振會日

晚我兵馬力不及賊阿爾楚爾列賊眾避其輜重伏

據山輕舉墮術在所戒集思持重勝算先時逆設伏於兩

山峰頂少遣賊人迎誘我兵欲逞其狡計副將軍富

偏伍彌縫密布置發縱指使皆英賢副將集斯等統中

軍命參贊明瑞桂阿等領左翼參贊阿里袞巴祿等

領右翼翼之中各分前中後隊又益以奇兵援兵隊

各為二別遣巴圖魯侍衛額爾登額等分率巴圖魯

兵二隊備四面應援而領隊齊凌扎布為殿軍將卒

如臂指相維諸大臣均予心膂巴圖魯侍衛比肩夙

所教養共休戚敵愾兼速輿僮焉是役雖僕隸無

心戮力功克就二豎鼠竄圖苟延戰罷檢閱傷一卒

殲彼計級乃盈千師難到葉爾奇木况過數千里行

遄以少勝眾剪賊黨明瑞既以前鋒九百擊敗賊眾

過三千人勦逆回四千餘眾擒斬者已過其四之一

臨陣殲之逆會國威赫濯揚天邊優叙未足償勞績

捷奏至並有旨從優議叙猶念將軍參贊等殫忱奮

勇殊勳非常例可酬立待元克就縛時特加曠典

桂觴欲泛還罷旃百年養士今獲效

祖宗福蔭貽萬年仁待俘虜到露布西師之役方稱全

西師之役方稱全行張凱宴勞凱旋

漢書西域傳無雷國。王治盧城。去長安九千九百五十里。東北至都護治所二千四百六十五里。西至蒲犁五百四十里。南與烏秣比與捐毒。西與大月氏接。

魏書西域傳鉢和國。在渴槃陁西。其土尤寒。有大雪山。望若銀峯。一道西行向嚙噠。一道西南趣烏萇。亦爲嚙噠所統。

唐書西域傳護密者。元魏所謂鉢和。橫一千六

百里。縱狹纔四五里。王居寒迦審城。北臨烏訶河。地寒沍。堆阜曲折。沙石流漫。顯慶時。以地爲烏飛州。地當四鎮。入土火羅道。故役屬吐蕃。

按阿喇楚勒。北通布魯特。南接拔達克山。西行則踰葱嶺。以漢書無雷國。南與烏秣比與捐毒。西與大月氏接之文證之。則阿喇楚勒。宜爲無雷國地也。漢之無雷。至北魏爲鉢和。於史無明文。第考魏書鉢和國在渴槃陁西。今葉爾羌西塞爾勒克喀爾楚一帶。爲渴槃

陁國。詳見卷十八而鉢和國東與之接。其地必當

在葱嶺之中。更以唐書護密卽魏鉢和地當

四鎮入吐火羅道之說推之。則四鎮在葱嶺

東。吐火羅在葱嶺西。魏之鉢和。唐之護密。當

屬葱嶺中往來當道之國。今阿喇楚勒在葱

嶺中偏北境上。雖不必定爲無雷鉢和護密

諸國之都。而要屬諸國之北鄙。可無疑矣。

葉什勒庫勒。互見水

葉什勒庫勒。舊對音爲伊西洱庫爾。地以水名。

在阿喇楚勒西南二百里。葉什勒庫勒淖爾西。

南北高峯對峙。北山有小徑。通安集延。其西限

以大嶺。踰嶺以南。通拔達克山界。波羅泥都。霍

集占。自阿喇楚勒敗後。波羅泥都先以二百人

奔據淖爾之西嶺爲逃竄地。霍集占擁衆萬餘

人踞北山。並扼守迤東諸峯。副將軍富德。率師

追至。先令叅贊阿里袞等。由淖爾南岸徑趨西

嶺。而自於東峯擊賊。賊憑高恃險。我師仰攻連

舉大礮。歷時未克。富德選烏鎗精銳者數十人

從山北攀援而上。擊峯頂賊。復遣霍集斯伯克等樹立回纆。令新降回人大聲傳諭招降。俄而山上回衆數千人。挈其子女。駝載牲畜。號呼願降。沸聲如雷。漫山蔽嶺。投奔而下。霍集占禁之不能止。手刃數人。奔者愈衆。至日夕乃已。而阿里袞之趨南岸也。南岸山石壁立。騎不能前。則率兵徒步。譟而登。以火器遙擊北山諸賊。北山之麓。瀕水路狹。僅容單車隻騎。賊輜重徒屬多緣岸擁塞者。復於隔岸徹夜遙擊。使不得登。翼

奇聞日並哀號乞降。凡納降回衆萬二千餘人。獲回纆一。回劍一。牲畜以萬計。他器物無數。霍集占乘夜繞山徑。與波羅泥都奔拔達克山。

御製捷報

并序
己卯

逆酋霍集占兄弟一創於霍斯庫魯克。再創於阿爾楚爾。勢蹙窮竄。將軍富德等急躡之於伊西洱庫爾。是拔達山連界地也。時賊衆據峯負固。我兵整陣勦擊。中發大神威。遠礮兼簡。偏銳用烏鎗。夾攻賊中。有伯克等悉其大隊。呼籲乞降。霍集占自

山頂遮截至手刃之不得止而我兵四路設伏盡起有徒步援絕壁進者轉戰一晝夜賊遂大潰計獲賊衆一萬二千有奇鎗械二千有奇牲畜一萬有奇逆酋僅以殘衆四五百人逸去富德等傳檄拔達山部長曉譬順逆令其尅日縛獻至是捷聞朕以二酋一日不獲軍務一日不竣雖仰賴

鴻庥收城服衆而旁午擘畫何能釋懷爰誌長言伫期

永靖詎得已哉

待圍小憇坐孱顏捷報飛馳達玉關奏牘機宜悉覽

遍降蕃輜重盡遮還千軍直進伊西洱二豎旋逃拔達山除蔓斯之未底定可辭畫策旰宵間

漢書西域傳難兜國。王治去長安萬一百五十里。東北至都護治所二千八百五十里。西至無雷三百四十里。西南至罽賓三百三十里。南與婼羌北與休循西與大月氏接。東至之今國。魏書西域傳波知國。在鉢和西南。土狹人貧。依託山谷。其王不能總攝。有三池傳云。大池有龍王。次者有龍婦。小者有龍子。

按漢無雷國。東北至都護治所二千四百六十五里。難兜國。東北至都護治所二千八百五十里。是難兜為無雷西四百餘里國可知。班傳稱難兜西至無雷。應屬東至之訛。今阿喇楚勒為漢無雷。則葉什勒庫勒應為漢難兜也。魏波知國在鉢和國西。亦與今葉什勒庫勒方位相合。今葉什勒有大淖爾。廣數十里。或即古三池之舊歟。葉什勒

欽定皇朝西域圖志卷十七

欽定皇輿西域圖志卷十七

